

ՀԱՇՎԵՏՎՈՒԹՅՈՒՆ

2026 ԹՎԱԿԱՆԻ ԱՌԱՋԻՆ ԿԻՍԱՄՅԱԿԻ ԸՆԹԱՑՔՈՒՄ ՏԱՐԱԾՔԱՅԻՆ ԿԱՌԱՎԱՐՄԱՆ ԵՎ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՀԱՐՅԵՐԻ ՎԱՐՉՈՒԹՅԱՆ ՀԱՄԱԿԱՐԳՄԱՆ ՈԼՈՐՏՈՒՄ ԳՏՆՎՈՂ ՀԱՐՅԵՐԻ ԱՌՆՉՈՒԹՅԱՄԲ ԻՐԱԿԱՆԱՑՎԱԾ ԱՇԽԱՏԱՆՔՆԵՐԻ ՎԵՐԱԲԵՐՅԱԼ

Հաշվետու ժամանակաշրջանում համագործակցված աշխատանքներ են տարվել տեղական ինքնակառավարման մարմինների և պետական կառավարման համակարգի մարմինների հետ:

Անհրաժեշտ միջոցներ են ձեռնարկվել մարզի համայնքների **2026** թվականի տարեկան աշխատանքային պլանների հաստատման ուղղությամբ. մարզի **5** համայնքներում սահմանված ժամկետներում հաստատվել են **2026** թվականի Տարեկան Աշխատանքային Պլանները, որոնք բխել են համայնքների զարգացման ծրագրերի **2026** թվականի համար նախատեսված միջոցառումներից:

Տարվել են աշխատանքներ <<Տեղական ինքնակառավարման մասին>> Հայաստանի Հանրապետության օրենքի պահանջների կատարման նպատակով ավագանու նիստերի հրավիրման ժամկետների պահպանման, ընդունված որոշումներն օրենքով սահմանված ժամկետում մարզպետի աշխատակազմ ներկայացնելու, որոշումներն օրենսդրությանը համապատասխանեցնելու, ընդունված իրավական ակտերի և բյուջեների հրապարակայնության ապահովման ուղղությամբ:

Համակարգվել է Հայաստանի Հանրապետության Սահմանադրությանը և ընթացիկ օրենսդրությանը հակասող մարզի տեղական ինքնակառավարման մարմինների կողմից ընդունված որոշումները մարզպետի պահանջով վերանայելու գործընթացը:

Համակարգվել է համայնքային բյուջեների կատարման ընթացքի վերաբերյալ համայնքների ղեկավարների կողմից ավագանուն տրված

եռամսյակային հաղորդումների և տարեկան հաշվետվությունների տրման աշխատանքները:

Հետևողական աշխատանքներ են տարվել համայնքներում տեղական ինքնակառավարման մարմինների գործունեության հրապարակայնության ապահովման ուղղությամբ: Այդ նպատակով համայնքների պաշտոնական կայքերում և ֆեյսբուքյան էջերում պարբերաբար տեղակայվել են տեղեկություններ տեղական ինքնակառավարման մարմինների գործունեության վերաբերյալ:

Հետևողական աշխատանքներ են տարվել համայնքների ավագանիների դերակատարության ու պատասխանատվության բարձրացման ուղղությամբ: Համայնքների ղեկավարների և ավագանու անդամների կողմից կազմակերպվել է քաղաքացիների ընդունելություն և հանդիպում համայնքների բնակչության հետ:

Համայնքներում իրականացված միջոցառումների վերաբերյալ ՀՀ տարածքային կառավարման և ենթակառուցվածքների նախարարություն է ներկայացվել ամսական, եռամսյակային և կիսամյակային հաշվետվություններ: Մասնավորապես՝

1. Ամսական հաշվետվությունների մասով.

1.1. Ի կատարումն ՀՀ տարածքային կառավարման և զարգացման նախարարի 10.02.2017 թվականի թիվ 01/15/685-17 հանձնարարականի պահանջների ՀՀ տարածքային կառավարման և ենթակառուցվածքների նախարարություն է ներկայացվել տեղեկատվություն մարզի ավտոմոբիլային ճանապարհներին հարող տարածքներում կուտակված աղբի մաքրման աշխատանքների վերաբերյալ,

1.2. Ի կատարումն ՀՀ տարածքային կառավարման և ենթակառուցվածքների նախարարի 04.03.2022 թվականի թիվ ԳՍ/15.4/5385 հանձնարարականի պահանջների՝ ՀՀ տարածքային կառավարման և ենթակառուցվածքների նախարարություն է ներկայացվել տեղեկատվություն

մարզի համայնքներում համայնքային ծառայության թափուր պաշտոններ զբաղեցնելու համար հայտարարված մրցույթների և համայնքային ծառայողների ատեստավորումների արդյունքների վերաբերյալ,

1.3. Ի կատարումն ՀՀ տարածքային կառավարման և ենթակառուցվածքների նախարարի 12.04.2022 թվականի թիվ ԳՍ//9017-2022 հանձնարարականի պահանջների՝ ՀՀ տարածքային կառավարման և ենթակառուցվածքների նախարարություն է ներկայացվել տեղեկատվություն խոշորացված համայնքներում տեղական ինքնակառավարման մարմինների և աշխատակազմերի գործունեության կազմակերպման ընթացքում լիազոր մարմնի կողմից տրամադրված ուղեցույցի դրույթների կիրառման նկատմամբ սահմանված հսկողության արդյունքների վերաբերյալ,

1.4. Ի կատարումն ՀՀ տարածքային կառավարման և ենթակառուցվածքների նախարարի 30.01.2026 թվականի թիվ ԴԽ/20.1/3089-2026 հանձնարարականի պահանջների՝ ՀՀ տարածքային կառավարման և ենթակառուցվածքների նախարարություն է ներկայացվել տեղեկատվություն ՀՀ Վայոց ձորի մարզի համայնքների ղեկավարների, համայնքապետարանի աշխատակազմի աշխատակիցների և համայնքային ենթակայության ոչ առևտրային կազմակերպությունների աշխատակիցների չօգտագործված արձակուրդների վերաբերյալ:

2.Եռամսյակային հաշվետվությունների մասով.

2.1. Ի կատարումն ՀՀ փոխվարչապետ, ՀՀ տարածքային կառավարման նախարարի 24.05.2010 թվականի թիվ 01/16/3030-10 հանձնարարականի և ի կատարումն ՀՀ հակակոռուպցիոն ռազմավարության միջոցառումների ծրագրի 72.6 կետի 3-րդ ենթակետի պահանջների՝ ՀՀ տարածքային կառավարման և ենթակառուցվածքների նախարարություն է ներկայացվել տեղեկատվություն համայնքների ղեկավարների և ավագանու կողմից կազմակերպված ընդունելություններին մասնակցած քաղաքացիների թվաքանակի վերաբերյալ,

2.2. Ի կատարումն ՀՀ փոխվարչապետ, ՀՀ տարածքային կառավարման նախարարի 11.08.2010 թվականի թիվ 01/16/4439-09 հանձնարարականի պահանջների՝ ՀՀ տարածքային կառավարման և ենթակառուցվածքների նախարարություն է ներկայացվել տեղեկատվություն մարզի համայնքների բյուջեների, բյուջեների եռամսյակային և տարեկան հաշվետվությունների, բյուջեներում կատարվող փոփոխությունների, համայնքների ավագանիների դերակատարության ու պատասխանատվության բարձրացման վերաբերյալ,

2.3. Ի կատարումն ՀՀ տարածքային կառավարման և ենթակառուցվածքների նախարարի 11.04.2022 թվականի թիվ ԳՍ//8856-2022 հանձնարարականի պահանջների՝ ՀՀ տարածքային կառավարման և ենթակառուցվածքների նախարարություն է ներկայացվել տեղեկատվություն խոշորացված համայնքներում էլեկտրոնային եղանակով իրականացվող գործառույթների և տրամադրվող ծառայությունների վերաբերյալ:

2.4. Ի կատարումն ՀՀ տարածքային կառավարման և ենթակառուցվածքների նախարարի 11.04.2022 թվականի թիվ ԳՍ//8856-2022 հանձնարարականի պահանջների՝ ՀՀ տարածքային կառավարման և ենթակառուցվածքների նախարարություն է ներկայացվել տեղեկատվություն ՀՀ Վայոց ձորի մարզի խոշորացված համայնքների վերաբերյալ:

2.5. Ի կատարումն ՀՀ տարածքային կառավարման և ենթակառուցվածքների նախարարի 17.01.2022 թվականի թիվ ԳՍ//900-2022 հանձնարարականի պահանջների՝ ՀՀ տարածքային կառավարման և ենթակառուցվածքների նախարարություն է ներկայացվել տեղեկատվություն ՀՀ Վայոց ձորի մարզի համայնքների համացանցային կայքերի մշտադիտարկման արդյունքների վերաբերյալ:

2.6. Ի կատարումն ՀՀ տարածքային կառավարման և ենթակառուցվածքների նախարարի 12.04.2022 թվականի թիվ ԳՍ//9017-2022 հանձնարարականի պահանջների՝ ՀՀ տարածքային

կառավարման և ենթակառուցվածքների նախարարություն է ներկայացվել տեղեկատվություն ՀՀ Վայոց ձորի մարզի միավորված համայնքներում ստացված տեխնիկայի և կատարված աշխատանքների վերաբերյալ:

Մարզի հինգ համայնքներում միասին առկա է 74 միավոր տեխնիկա / Եղեգնաձոր՝ 6, Վայք՝ 32, Ջերմուկ՝ 12, Արենի՝ 9, Եղեգիս՝ 15:

2.7 Ի կատարումն ՀՀ տարածքային կառավարման և ենթակառուցվածքների նախարարի 13.12.2023 թվականի թիվ ԳՍ//37609-2023 հանձնարարականի պահանջների՝ ՀՀ տարածքային կառավարման և ենթակառուցվածքների նախարարություն է ներկայացվել տեղեկատվություն ՀՀ կառավարության 2016 թվականի հոկտեմբերի 27-ի թիվ 1109-Ն որոշման հավելվածում նշված օպերատոր-համայնքների կողմից մատուցված պետական ծառայությունների վերաբերյալ:

3.4 Կիսամյակային հաշվետվությունների մասով.

3.1. Ի կատարումն ՀՀ տարածքային կառավարման և ենթակառուցվածքների նախարարի հանձնարարականի պահանջների՝ ՀՀ Վայոց ձորի մարզի տեղական ինքնակառավարման մարմինների կողմից առևտրի, հանրային սննդի և կենցաղային ծառայությունների ոլորտում հսկողության արդյունքների վերաբերյալ տեղեկատվություն է ներկայացվել ՀՀ տարածքային կառավարման և ենթակառուցվածքների նախարարություն:

Համաձայն ՀՀ տարածքային կառավարման և ենթակառուցվածքների նախարարի **28.11.2025** թվականի թիվ **3273-Ա** հրամանով հաստատված աշխատանքային ծրագրի և ՀՀ Վայոց ձորի մարզպետի **16.04.2026** թվականի թիվ **93-Ա**, որոշման պահանջների՝ **2026** թվականի **ապրիլի 20-ից մայիսի 6-ը**, իրավական և մասնագիտական հսկողություն է իրականացվել ՀՀ Վայոց ձորի մարզի **Եղեգնաձոր** համայնքում:

Իրականացված իրավական և մասնագիտական հսկողության արդյունքում հայտնաբերված թերությունների վերաբերյալ կազմվել է արձանագրություն:

Հսկողության ժամանակ արձանագրվել են թերություններ և բացթողումներ **<<Տեղական ինքնակառավարման մասին>>**, **<<Ավտոմոբիլային տրանսպորտի մասին>>** և **<<Քաղաքացիական պաշտպանության մասին>>** ՀՀ օրենքների պահանջների կատարման ուղղությամբ:

Թերությունների և բացթողումների վերաբերյալ սահմանված կարգով կազմվել են արձանագրություններ՝ քննարկվել և սահմանվել են թերությունների վերացման ժամկետները:

Կազմված արձանագրությունը և հայտնաբերված խախտումները սահմանված ժամկետներում ներկայացվել են ՀՀ տարածքային կառավարման և ենթակառուցվածքների նախարարություն և տեղադրվել են մարզպետի աշխատակազմի պաշտոնական կայքում:

2026 թվականի առաջին կիսամյակի ընթացքում համակարգվել է համայնքապետարանների աշխատակազմերի համայնքային ծառայության թափուր պաշտոնների մրցույթների հայտարարման գործընթացը:

Մարզի համայնքներում **2026** թվականի առաջին կիսամյակի ընթացքում համայնքային ծառայության **17** թափուր պաշտոնների համար հայտարարվել են մրցույթներ (**17** մրցույթներից **1**-ը եղել է կրկնակի մրցույթ), որոնց արդյունքում համալրվել են **7** պաշտոններ (թվով **3** մրցույթներ կկայանա **2026** թվականի հուլիսի 16-ին, թվով **7** մրցույթներ չեն կայացել):

Հաշվետու ժամանակահատվածում ատեստավորվել են **25** համայնքային ծառայողներ:

2026 թվականի առաջին կիսամյակի ընթացքում «Հայաստանի Հանրապետության մարզերի համայնքների աշխատակազմերի **անձնակազմի կառավարման գործառույթներ իրականացնող համայնքային ծառայողների և քաղաքաշինության և հողօգտագործման ոլորտի գործառույթներ իրականացնող համայնքային ծառայողների** վերապատրաստման ծրագիր շրջանակներում վերապատրաստվել են

համայնքապետարանների աշխատակազմերի թվով 12 համայնքային ծառայողներ:

ՀՀ Վայոց ձորի մարզի համայնքապետարանների աշխատակազմերում **2026** թվականի հունիսի **30**-ի դրությամբ համայնքային ծառայության պաշտոնների թիվը **152** է, որից հիմնական զբաղեցրած՝ 128, ժ/պ՝ 7, թափուր՝ 17:

Կազմակերպվել են մարզպետի այցելություններ մարզի համայնքներ: Համակարգվել են այցելությունների ընթացքում բարձրացված խնդիրների կարգավորման աշխատանքները:

Համագործակցելով մարզի համայնքապետարանների աշխատակազմերի հետ՝ գույքագրվել են համայնքներում առկա հիմնախնդիրները: Համայնքների և մարզպետի աշխատակազմի կառուցվածքային ստորաբաժանումների կողմից տրվել են դրանց լուծման նախնական հնարավոր գնահատականները: Գույքագրված և գնահատված հիմնախնդիրները մարզպետի աշխատակազմում քննարկվել են համայնքների տեղական ինքնակառավարման մարմինների ներկայացուցիչների մասնակցությամբ:

Հաշվետու ժամանակաշրջանում պատշաճ աշխատանքներ են իրականացվել 2026 թվականի հունիսի 7-ին կայացած ԱԺ հերթական ընտրությունների նախապատրաստման և անցկացման հիմնական միջոցառումների ժամանակացույցի՝ մարզպետին և համայնքների ղեկավարներին վերաբերող կետերի պահանջների կատարման ուղղությամբ:

2026 թվականի առաջին կիսամյակի ընթացքում աշխատանքային պլաններին համաձայն և ըստ անհրաժեշտության առողջ համագործակցություն է ապահովվել պետական կառավարման համակարգի մարմինների տարածքային ստորաբաժանումների հետ:

Ապահովվել է Մարզպետի աշխատակազմ-ՏԿԵ նախարարություն, մարզպետի աշխատակազմ-համայնքներ փոխհամագործակցությունը:

Վարչության գործառույթներից բխող աշխատանքները պատշաճ որակով և ժամանակին կատարելու նպատակով վարչությունը Mulberry համակարգով իրականացրել է աշխատանքներ թվով **2547** հանձնարարականների և գրությունների պահանջների կատարման ուղղությամբ, միաժամանակ՝ իրականացվել են նաև Mulberry համակարգով չհաշվեգրված տեղեկությունների հավաքագրման, մշակման և վերլուծության աշխատանքներ:

ՀՀ Վայոց ձորի մարզպետի աշխատակազմի

ՏԿ և ՏԻ հարցերի վարչության պետ՝ Վ.Հովհաննիսյան